

Gryphius, Andreas: Tumulus Reverend. Clarissimiq; Dni Pauli Gryphii, Theolog

- 1 Der Christum frey bekand/ vnd seine Stimm erhoben/
- 2 Gleich einer Feld Posaun/ den holt Er auß der Welt/
- 3 Eh denn die Blutt-Tromet auß seines Grimmes Zelt
- 4 Erschall/ vnd eh sein Zorn so scharff fieng an zu toben;
- 5 Sein Leib ligt hier vnnd ruht gantz sicher biß von oben
- 6 Der Prinz wird brechen ein/ dehm jeder vorgestellt
- 7 Sol werden/ dehn der Todt in seinen Armen helt.
- 8 Die Seel ist schon bey dehn/ die Gott dort Ewig loben/
- 9 Vnd wartet auff die Cron/ darmit ihr trewer fleiß/
- 10 Ihr Lehren/ Ihre Müh/ Ihr Kämpffen/ Angst vnd Schweiß/
- 11 Ihr Eyfer/ welcher nie der frechen Laster schonet/
- 12 Ihr wissen das allein auff Gottes Ehr gewand/
- 13 Ihr Leiden vnd Gedult/ vons Richters rechten Hand/
- 14 An jenem grossen Tag sol werden wol belohnet.

(Textopus: Tumulus Reverend. Clarissimiq; Dni Pauli Gryphii, Theologi. Abgerufen am 23.01.2026 von <https://www.tex>